



Ulloq 15. oktober 2013 isumasioqatigiilluni ataatsimiinnermut atatillugu Aningaasaqarnermut Akileraartarnermullu ataatsimiititaliap apeqqutaannut Naalakkersuisut Siullittaasuata akissuteqaataa

11. oktober 2013
Sagsnr. 2013-090679
Dok. Nr. 1362811

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Isumasioqatigiilluni ataatsimiinnissamut aggersarneqarama, kiisalu tamanna sioqqullugu apeqquteqaatinut matuma kinguliani akineqartunut, qujavunga.

Apeqqut 1

Apeqqummut tunuliaqutaasoq:

Apeqqut 3.15-imut Naalakkersuisup akissutaa aktieselskabini Namminersorlutik Oqartussanit pigineqartuni anginerni tallimani ineriartornermut tunngasoq.

Naalakkersuisumik apersuinermi akineqartussatut Aningaasaqarnermut Ataatsimiititaliap apeqqutaa:

- a) *Pisortat aallaavittut isigalugu nioqqutissanik nunatsinneersunik pisisassasut najukkamilu suliffeqarfiit sullississutaannik atuisassasut naalakkersuisooqatigiit isumaqatigiissutaanni allassimavoq. Ingerlatseqatigiiffiit Namminersorlutik Oqartussanit pigineqartut najukkani nioqqutissianik sullississutinillu aamma pisisarnissaannut, taamaalillutillu sipaaruteqartoqarnissaanut najukkanilu suliffeqarfiit qulakkeerneqarnissaannut peqataanissaannut, Naalakkersuisut isumaat ataatsimiititaliamit tusarumaneqarpoq?*

Akissut:

Qitiusumi Pisiniarnermut immikkoortoq arlalinnik sinaakkusiisunik isumaqatigiissuteqarpoq, assersuutigalugu akunnittarfinnut aamma Danmarkimi biilnik attartornermut tunngasunik, ingerlatseqatigiiffiit Namminersorlutik Oqartussanit pigineqartut ullumikkut atorniarlugit qinersinnaasaannik. Aktiaatileqatigiiffiit 100 %-imik Namminersorlutik Oqartussanit pigineqartut arlallit pisiniarnermut immikkoortotami ilanngunneqartalernissaannut qaaqquissuteqarnissamut pisiniarnermut immikkoortoq maannakkorpiaq suliaqarpoq, taamaalilluni annertunerusumik akikillisaaviusumik isumaqatigiissuteqarnissaq pitsaanerusunillu neqerooruteqarnissaa anguneqarsinnaassalluni. Aktiaatileqatigiiffiit Namminersorlutik Oqartussanit pigineqartut nioqqutissanik sullississutinillu nunatsinneersunik pisisassanersut pillugu apeqqummut tunngatillugu Naalakkersuisut isumaqatapput. Ataatsimiititaliap oqarneratut ingerlatseqatigiiffiit aallaaviatigut nunami maani najukkami niuertarnissaat pingaaruteqarpoq, taamaalilluni nunatsinni suliffissanik pilersitsisoqassalluni aammalu aningaasaqarneq ingerlalluassalluni. Taamaattoorli Naalakkersuisut

eqqaasitsissutigissavaat nioqqutissat kiffartuussissutillu tamarmik nunami maani pisiarineqarsinnaasanngimmata, pingaartumik suliffeqarfiit immikkuullarissunik suliaqartut anginerusut eqqarsaatigalugit, aammalu ingerlatseqatigiiffiit taamaattumik nunarsuarmi sumiiffinni allani pisiniartariaqartarlutik. Peqatigisaanik Naalackersuisut isumaqarput aktiaatileqatigiiffiit pilersinneqarsimasut innuttaasunut tamanut iluaqutaasumik nunatsinni angusaqarnissaq ineriartortitsinissarlu siunertaralugu. Siunnerfiusup taassuma anguneqarsinnaanissaanut soorunami akiusup nioqqutissallu imaluunniit kiffartuussissutip pisiarineqartup akornanni naleqquttumik oqimaaqatigiissitsisoqassaaq.

Apeqquut 2

Apeqqummut tunuliaqutaasoq:

Apeqquut 5.3-mut Naalackersuisup akissutaa konto pingaarnermut 10.13.10-mut tunngasoq.

Naalackersuisumik apersuinermi akineqartussatut Aningaasaqarnermut

Ataatsimiititaliap apeqqutaa:

- a) *Iluanaarutissatut missingikkanut takussutissiap danskisuuani kalaallisuuani kisisitsit siuliagut naqinnerit assigiinngitsut atorneqarmata ataatsimiititaliamit erseqqissaatigineqassaaq.*

Akissut:

Paasineqarpoq aammalu aaqqinneqartussanngorlugu aaqqiisussanut ingerlateqqinneqarluni.

Apeqquut 3

Apeqqummut tunuliaqutaasoq:

Apeqquut 5.6-imut Naalackersuisup akissutaa konto pingaarneq 10.19.04-mut tunngasoq

Naalackersuisumik apersuinermi akineqartussatut Aningaasaqarnermut

Ataatsimiititaliap apeqqutaa:

- a) *Asiami pinnani USA-mi aallartitaqarfimmik pilersitsinissamut Kalaallit Nunaata USA-llu akornanni aningaasaqarnikkut attuumassuteqaataasut sorphiaat tunngaviunersut akineqassasoq ataatsimiititaliamit kissaatigineqarpoq?*
- b) *Washington D. C.-mi aallartitaqarfimmik pilersitsinissap pisariaqarnera ataatsimiititaliamit takuneqarsinnaanngilaq. Kalaallit Nunaata avammut tunisaasa eqqussugaasalu USA-mut, Canadamut, EU-mut Ruslandimut, Japanimut asiamilu nunat sinnerinut qanoq agguataarsimanerat ataatsimiititaliamit paaserusunneqarpoq. Nioqqutissat sullississutillu pingaarnert tallimat kiisalu taakkku katinnerat pillugit nalunaarsukkamik suliaqarnissaq naammappoq.*
- c) *Aammattaq ukiuni aggersuni procentikkaartumik agguataarneqarnissaannut qanoq naatsorsuutiginnittoqarnerasoq paasissutissiissutigineqassasoq ataatsimiititaliamit kissaatigineqarpoq?*
- d) *Piffinni siullani taaneqartuni niuernikkut aporfittut annertunerpaatut suut Naalackersuisunit isigineqarpat?*

Akissut:

3a)-mut

Assersuutigalugu Asiami pinnani USA-mi 2014-imiit aallartitaqarfeqalernissamik kissaateqarnermi taakkua arlaat qinerneqassasoq apeqqutaanngilaq. Amerikamut avannarlermut aamma Asiamut aningaasaqarnikkut atassuteqarnerit Kalaallit Nunaannut soqutiginaateqartorujussuupput – niuernermit aamma aningaasaliisarnermut tunngatillugu, kisiannili aamma suleqatigiinnermut aningaasaqarnikkut sunniuteqarsinnaasumut tunngatillugu.

Aallartitaqarfimmik pilersitsinissaq iliuuseqarnerusussaavoq pingaaruteqartoq, aamma Kalaallit Nunaata avataani eqqumaffigineqartussaasoq nalunngittariaqarlutigu. Taamaattumik aningaasaqarnikkut atassuteqarnerit pioreersut kisiisa aallaavigalugit isiginiarneqassanngilaq, kisiannili aallartitaqarfiup suliaqarnerata sunniutigisinnaasaannut naleqqiullugu immikkut isiginiarneqassalluni. Taamaalluni nunat Asiamiittut Kalaallit Nunaannut aningaasaqarnikkut pingaaruteqarnerat annertusiarortaluartoq nunami Asiamiittumi pinnani, USA-mi Kalaallit Nunaata aallartitaqarfissami tullianik pilersitsinissaa pingaaruteqartorujussuavoq.

Taamaattumik aningaasaqarnikkut atassuteqarnerit aalajangersimasut USA-mi aallartitaqarfimmik ammaanissamut tunngavissiisut, aningaasaqarnikkut atassuteqarnerni pioreersuniipput kiisalu Amerikami avannarlermi niuerfimmii aatsitassarsiornerup/uuliasiornerup, aalisarnerup aamma takornariartitsisarnerup iluanni Kalaallit Nunaannut periarfissaasinnaasuniillutik.

Nunanut Asiamiittunut tunngatillugu soorunami taakkua Kalaallit Nunaata aalisakkanik avammut annissuineranut pingaaruteqartorujussuupput, ineriartortitsinissamullu periarfissat annertunerpaat Asiameersunik (pingaartumik Kina) Kalaallit Nunaanni aatsitassarsiornermut suliaasaqarfimmut nutaanik aningaasaliisussanik pilerilersitsinissamiipput. Ukiorparujussuit ingerlaneranni Asiameersunik, pingaartumik Kina-meersunik, aningaasaliisussanik pilerilersitsiniarluni Namminersorlutik Oqartussat tungaanniit siunnerfilimmik sulisoqarpoq, kisiannili tassunga atatillugu aamma Korea kujalleq aamma Japan pingaaruteqarput.

Suliaqarnerup taassuma iluatsinnissaanut tunngaviusoq pingaaruteqartoq tassaavoq, Kalaallit Nunaata nunarsuarmi nunap sumiiffiani periusissatigut inissimalluarnera qularutigineqanngilluinnarnissaa. Tamanna suleqatinut Asiamiunut pingaaruteqarpoq, soorlumi Danmarkimi aamma Amerikami avannarlermi isummanut sunniisartunut pingaaruteqartoq takusimagipput.

USA siviisuumik Kalaallit Nunaannit annikitsumik aalisakkanik avammut annissuiffiusimavoq. Taamaattorli niuerfik taanna periarfissaqarfiuvoq annertusarniarneqarsinnaasumik. Amerikami niuerfiup nunami sumiiffitsigut Kalaallit Nunaata eqqaaniinnera aammalu assersuutigalugu Canadami tunisassiorfinnut kalaallinit pigineqartunut qanittumiinnera, niuernerup annertussutsikkut annertusisinnaaneranut tunngaviusinnaavoq.

Aamma aalisarnermut aammalu aalisarnermik maleruagassiunermit soqutigisat, Qalasersuup eqqaani Issittup avannarpasissuata imartaata ammarnernut tunngatillugu, Amerikamut avannarlermut Kalaallit Nunaata avitseqatigiiffisussanngortussaavai. Suliaasaqarfik taanna maleruagassiuffigineqanngilaq, taamaallunilu aamma

aalisarnermut naalakkersuinikkut aqutsinermut pilersinnaasumut sinaakkusiinissamut nunanut allanut politikkikkut suliamik pingaaruteqartumik ingerlasoqarpoq. Tamanna siunissami ukiopassuit ingerlaneranni pisussaavoq aammalu Kalaallit Nunaannut aningaasaqarnikkut sunniuteqarsinnaalluni, taamaattumik aallartitaqarfik suliap ingerlaneranut aammalu Kalaallit Nunaannut angusassanut neriulluarnartumik sunniuteqarsinnaavoq.

Takornariat Amerikameersut Kalaallit Nunaannut tikeraartarput aammalu Islandikkoorlutik tamatumunnga periarfissaqarnerat annertusiartuinnarluni. Kalaallit Nunaanni aamma Islandimi takornariartitsinermik suliaqartut taamaalillutik ornigassanut marluusunut taakkununnga takornarianik amerlanerusunik pilerilersitsiniarlutik USA-mi aaqquussisarsimapput.

Inuussutissarsiornermi ineriartortitsinissamut suliniutinut aningaasalersuinissamut periarfissat annertuut USA-mi nassaassaapput. Aluminiuliorfissangorsinnaasup (annertussutsimigut Kalaallit Nunaanni suliaqartut aningaasaliinernit allanit tamaginnit annertunerussusaasup), Alcoap periarfissatut Kalaallit Nunaannut saqqummiussimasaata saniatigut, Amerikap avannaani uuliasiorfiutileqatigiiffiit Kalaallit Nunaanni suliaqartut arlaqarput, taamatullu Amerikap avannaani suliffissuit pisisartuusinnaanerat aammalu Kalaallit Nunaanni aatsitassarsiornermik inerisaanermi aningaasaliisuusinnaanerat periarfissaqarfiulluni. Aamma ukiopassuarni Canadami aatsitassanut nuisitsineq PDAC kalaallinit angalaqatigiittunit takusarneqartarpoq (piffissap ingerlanerani annertussutsimigut annertusiartorsimalluni). Taamatutaaq ukiut pingasut kingulliit ingerlaneranni Kina-mi aatsitassanut tunngatillugu nuisitsinermut kalaallit angalaqatigiittut aallartinneqartarput, taamatullu ukiuni kingulliunerusuni tamanna pillugu Koreami kujallermi attaveqaateqartoqalersimalluni.

Aammalu taannarpiaq tunngavigalugu Nunanut Allanut Sillimaniarnermullu Ataatsimiititaliaq isumaqatigiittoq 2012-imi maajimi, Kalaallit Nunaata aallartitaqarfiinik suli allanik pilersitsinissaq pillugu Atassummiit aalajangiiffigisassatut siunnersuut tunngavigalugu isumaliutissiissumminni allappoq isumaqarluni:

"Matuma eqqartorneqarnerani nunat arlallit taaneqartarsimapput nunatut sinniisoqarfiusinnaasutut pingaarutilittut. [Inatsisartut aalajangiiffigisassaattut] Siunnersuummi USA, Russit Nunaat Noorliillu Nunaat taaneqarput, ataatsimiititaliap USA, Canada Islandilu tikkuarlugit, Naalakkersuisut isumaqartut USA, Kina, Tuluit Nunaat Islandilu attaveqaatitigut nukittorsaaffigissallugit pingaaruteqassasut.

Taamaalilluni tamanit isumaqatigineqarpoq nunanut allanut attaveqarnitta nukittorsarlugulu annertusarniarneqarnerani USA salliutinneqartariaqartoq."

3b)-mut

Nunanut Allanut Pisortaqarfik naliiivoq USA-mi aallartitaqarfimmik ammaanissaq pisariaqartoq, aamma Asiame (Kinami ilimannarluni) aallartitaqarfimmik ammaanissaq isumaliutersuutigineqaraluarpuunniit.

Takussutissiaq ataatsimiititaliamit ujartorneqartoq ajoraluartumik Naatsorsueqqissaartarfimmit paasissutissanut najoqqutassat pissarsiarineqarsinnaasut innersuussutigalugit tamakkiisunngorlugu tunniunneqarsinnaanngilaq. Nunamut eqqussuinermut pitsaasumik naatsorsuisoqarsimasoq aammalu matuma kinguliani ilanngussami takussutissiaq takuneqarsinnaavoq. Taamaattoq Kalaallit Nunaannit avammut annissuinerup annertunerpaartaa Danmark aqputigalugu ingerlanneqartarpoq, tassani nunatsinni aalisarnermik suliaqartut arlallit kiisalu Great Greenland tuniniaanermut allaffeqarlutik imaluunniit tuniniaanermut suleqateqarlutik. Tassanngaaniit avammut annissuineq ilaatigut niuerfinnut apeqqummi taaneqartunut ingerlaqqittarpoq. Taakkununga avammut annissuinermit ingerlaqqiffiusartunut kisitsisit pissarsiarineqarsinnaanngillat, taamaattumik niuerfinnut ataatsimiititaliap apeqqutigisaannut niuernermit tamakkiisumik takussutissamik pissarsisoqarsinnaanani.

Taamaalilluni suliaqarfinni suliaqartuusunit paasissutissat ilai (taakkua tunisanut paasissutissaatai soorunami unammilleqatigiinnikkut paasissutissatut naleqarmata, taamaattumik taakkua tamanut ammasumik imaaliillaanaq pissarsiarineqarsinnaanatik) aallaavigalugit missiliuineq tunngavigalugu, USA-mi aallartitaqarfeqalernermit niuernikkut sunniutaasussat pitsaasuussasut tunngavilersuutigineqarpoq (tamatumma nunanut allanut politikkikkut pitsaasumik sunniuteqarnissaata kiisalu ataatsimiititaliamut siusinnerusukkut oqaatigineqartut suliaqarfinnut allanut politikkikkut sunniuteqarnissaata saniatigut), taamatullu missiliuineq tunngavigalugu ataatsimiititaliap Asiami (pingaartumik Kina) aallartitaqarfeqalernissap iluaqutaanissaa innersuussutigissagaa ilimanarluni. Erseqqissassallugu pingaaruteqarpoq Nunanut Allanut Pisortaqarfik ataatsimiititaliap missiliuineranut isumaqataalluinnarmat, Asiami aamma aallartitaqarfimmik ammaanissaq annertuumik aningaasaqarnikkut tunngavissaqartoq periarfissaqarfiusorlu. Taamaattoq matuma siuliani akissuteqarnertut aallartitaqarfimmik taamaattumik ammaanermi piffissamik eqquilluarnissamut nunanut allanut politikkimut tunngasortai innersuussutigineqarput.

Naatsorsueqqissaartarfik aqputigalugu paasissutissat iluatsittumik pissariarineqarsimasut aamma suliaqarfinnut missiliuinerit ilanngussami matuma kinguliani takuneqarsinnaapput. Tassani tikeraat akunnittarfinni unnuisimasut pillugit paasissutissat Naatsorsueqqissaartarfik aqputigalugu aaneqartut kiisalu suliaqarfinnut paasissutissanik pissarsivigineqarsinnaasimasunut Nunanut allanut niuermut paasissutissat takuneqarsinnaapput. Pingaartumik nunanut allanut niuernerup avammut annissuinermit tunngasortaa, matuma siuliani nassuiarneqartutut pissuteqartumik amigaateqarpoq, taamaattumik aamma niuerfiit pineqartut pingaaruteqassusii erseqqinnerusumik takussutissinniarlugu, seafood-inik avammut annissuinerup nalinga, suliaqarfimmit paasissutissat aalajangersimaqqissaanngitsut aallaavigalugit missiliorneqarluni.

3c)-mut

Pissutaasut taakkua aamma pissutaallutik eqqussuinermit/avammut annissuinermit paasissutissat tamakkiisut pissarsiarineqarsinnaanngimmata, ataatsimiititaliap apequtaata tamakkiisumik akineqarnissaa ajoraluartumik naammassineqarsinnaanngilaq.

Taamaalilluni suliaqartuusut pingaaruteqarnerpaat oqaloqatigineri tunngavigalugu missiliuineq aallaavigalugu takorloorneqarpoq USA-mi aallartitaqarfeqalerneq Amerikami avannarlermi aningaasaqarnikkut atassuteqarnernut pitsaasumik sunniuteqarsinnaasoq. Misilittakkat takutippaat niuerfimmiiinneq kiisalu niuerfimmi ingerlataqarneq aningaasaqarnikkut atassuteqarnernut pitsaasumik sunniuteqarsinnaasoq.

3d)-mut

Niuernermut akimmiffiusut aalajangersimasut annertunerpaat tassaapput ilanngaaserinermit akiusut. Ilangaaserinermit akiusut taakkua nunat pineqartut naalackersuisuinut isumaqatiginninniarnert aqutugalugit appartinniarneqarput. Assersuutigalugu Koreamut kujallermut tunngatillugu paasinarsivoq, niuernermut tunngatillugu isumaqatigiissuteqarnissamut suliaqalivinnerup aallartissinnaanissaa sioqqullugu politikkikkut atassuteqarnerit arlallit pilersinneqarnissaat kiisalu niuernerup annertusitinnissaa pingaaruteqartikkaat. Tamatuma takutippaa niuerneq & niuernermut politikki aamma niuernermik siuarsaaneq tassaasariaqanngitsut ingerlatat immikkoortut, kisianni pissusiviusuni politikkikkut atassuteqarnernut allanut Kalaallit Nunaata naalagaaffimmut allamut atassuteqarnerisinnaasaannut tunngassuteqarsinnaasut. Washington D.C.-imi allaartitaqarfeqalernermit niuernermut isumaqatigiissutissat-isumaqatiginninniarnert ingerlaneri pisussaasinnaasut pitsaasumik sunnerneqarsinnaaneri periarfissarissaalertussaavoq, tamannalu assersuutigalugu Kalaallit Nunaanni avammut annissuinermit inuussutissarsiutini ilanngaaserinermit akimmiffiusartunut imaluunniit nerisassanut apeqqutaasinnaasunut iluarsisinnaassaag.

Assersuutigalugu Kalaallit Nunaanni makrelinut aalisarneqartunut niuernermut pisussamut niuernikkut akimmiffiusinnaasoq immikkuullarissaq alla tassaasinnaavoq assersuutigalugu Japanimut makrelinut niuerfittut soqutiginaateqartumut eqqussinissamik killilersuineq.

Tulliullugu nalunngisaqarneq aningasaqarnikkut atassuteqarnerit annertusarneqarnissaannut akimmiffiusinnaavoq alla annertoq. Niuerfimmik politikkikkullu sinaakkutissanik kiisalu inuussutissarsiornikkut ingerlataqarnermut atugassarititaasunut killissaliussanik nalunngisaqarneq, niuerfimmi nutaami angusaqarniarnissamut piumassuseqarneq aalajangiisuullunnarpoq. Taamaalilluni niuerfimmiiinneq kiisalu niuerfimmi ingerlataqarneq, niuerfiup avammut annissuinnissamut periarfissaqarfiunerani annertunerpaamik atorluannissamik angusaqarnissamut, aningaasaliissarsiornermit kiisalu takornariartitsisarnermit pisariaqarput.

Apeqqut 4

Apeqqummut tunuliaqutaasoq:

Apeqqut 5.9-mut Naalackersuisup akissutaa konto pingarneq 12.01.01-imut tunngasoq.

Naalackersuisumik apersuinermit akineqartussatut Aningaasaqarnermut

Ataatsimiititaliap apeqqutaa:

- a) *Københavni kalaallit aallartitaqarfianni aalajangersimasumik atorfeqartut allatullu tassunga atasumik sulisuusut qassiunersut paasissutissiissutigineqassasoq ataatsimiititaliamit kissaatigineqarpoq.*

Akissut:

11. oktober 2013 Kalaallit Nunaata Sinnisoqarfiani (Sullissinermut immikkoortortaq) aalajangersimasumik sulisut 14-iupput, tassani aningaasarsianut aningaasartuutit kontomit pingaarnemit 12.01.01-imit aamma 12.01.10-imit akilerneqartarlutik.

Tamatuma saniatigut naalackersuisoqarfiit il.il. makkua Sinnisoqarfimmi 11. oktober 2013 katillugit aalajangersimasumik sulisut 12-pput, tassani aningaasarsianut aningaasartuutit toqqaannartumik naalackersuisoqarfinit ataasiakkaanit akilerneqartarlutik:

Nunanut Allanut Pisortaarfik	1
Ilinniartitaanermut, Kultureqarnermut, Ilageeqarnermut Naligiissitaanermullu Naalackersuisoqarfik	1
Pegqissutsimut Attaveqarnermullu Naalackersuisoqarfik	1
Aningaasaqarnermut Nunamullu Namminermut Naalackersuisoqarfik	1
Ilaqutariinnermut Inatsisinillu Atuutsitsinermut Naalackersuisoqarfik	3
Aalisarnermut, Piniarnermut Nunalerinermullu Naalackersuisoqarfik (GFLK)	1
Inuussutissarsionermut, Aatsitassaqaqarnermut Suliffeqaqarnermullu Naalackersuisoqarfik	1
Ineqarnermut, Pinngortitamut Avatangiisinullu Naalackersuisoqarfik	1
Akilerartarnermut Aqutsisoqarfik	2
Katillugit	12

Kalaallit Nunaata Sinnisoqarfia (Sullissinermut immikkoortortaq) Kalaallisut atuartsinermut aalajangersimasuunngitsumik ataatsimik sulisoqarpoq (nalunaaquttap akunneranut akissarsiaqartinneqartumik).

Kalaallit Nunaata Sinnisoqarfia (Sullissinermut immikkoortortaq) sulisuugallartunik atorfeqartitaqanngilaq.

Naalackersuisoqarfiit makkua 11. oktober 2013 katillugit sulisuugallartunik pingasunik atorfeqartitaqarput, taakkualu atorfeqartinneqarnerannut piffissaq 31. december 2013 tikitsinnagu naasussaavoq.

Pegqissutsimut Attaveqarnermullu Naalackersuisoqarfik	1
Aalisarnermut, Piniarnermut Nunalerinermullu Naalackersuisoqarfik	1
Ineqarnermut, Pinngortitamut Avatangiisinullu Naalackersuisoqarfik	1
Katillugit	3

Tamatuma saniatigut naalackersuisoqarfiit il.il. Kalaallit Nunaata Sinnisoqarfiani aalajangersimasuunngitsumik sulisoqanngillat.

Apeqquummut tunuliaqutaasoq:

Apeqquut 5.10-mut Naalakkersuisup akissutaa konto pingaarneq 12.01.11-mut tunngasoq.

Naalakkersuisumik apersuinermi akineqartussatut Aningaasaqarnermut

Ataatsimiititaliap apeqquataa:

- a) Namminersorlutik Oqartussat inissiaataanni kikkut unnuinersut apeqquataannersoq paasissutissiissutigineqassasoq ataatsimiititaliamit kissaatigineqarpoq?

Akissut:

Namminersorlutik Oqartussat Københavnimi ataatsimik inissiaateqarput. Københavnip Kommunea danskit ineqarnermut inatsisaanni maleruagassanik saneqqutsinissamut immikkut akuersissuteqarsimavoq, taamaalilluni konto pingaarneq 12.01.11 pillugu apeqquummut 5.10-imut akissummi allassimasutut, ilaqutariinnut ataatsinut inissiaq Naalakkersuisunut ilaasortat allallu Københavnimiikkallarnermi atorsinnaallugu. Amerlanerusunit inissiamik atuineq immikkut akuersissuteqarnermik unioqqutitsinerusussaavoq. Taamaalilluni kina inissiami unnuinersoq pingaaruteqartussaavoq.

Apeqqutitut qujavunga aammalu isumasioqatigiinnerup nalaani ataatsimiititaliamik politikikkut oqaloqateqarnissara qilanaaralugu.

Inussiarnersumik inuulluaqqusillunga

Aleqa Hammond
Naalakkersuisut Siulittaasuat

ILANNGUSSAQ 1

Takornariartitsisarnermut, Nunanut allanut niuernermet aamma seafood-inik avammut annissuinermet missiliuinermet takussutissiaq.

Takornariartitsisarneq

Nunap immikkoortui, piffissaq, qaammat, uuttuummut ataatsimut aamma inuiaassuseq							
			Tikeraat amerlassusaat				
			Europap sinnera	USA	Japan	Canada	Nunat allat
Katillugit	2012	Katillugit	2279	2327	349	679	3016

Seafood

Niuferfinni toqqartukkani seafood-inik avammut annissuinerup nalinganik missiliuineq	
EU	1 mia. kr. sinnerlugu
Japan + Kina	1 mia. kr. inorlugu
Rusland	100 mio. kr. miss.
USA	100 mio. kr. inorlugu

Nunanut allanut niuernerq nunanut/sumiiffinnut aamma 2012-mut nioqqutissanut annertunerpaanut agguarlugu

Kalaallit Nunaata Eqqussuina & Avammut annissuina					
Nioqqutissanut annertunerpaanut, ataatsimut katillugit kiisalu nunanut/sumiiffinnut toqqartukkanut agguarlugit 2012					
	EQQUSSUINEQ			AVAMMUT ANNISSUINEQ	
	Timmisartut aamma silaannarsualiartaatit kiisalu taakkununga atortut			Timmisartut aamma silaannarsualiartaatit kiisalu taakkununga atortut	
Canada		46.383.071			16.000.000
	Atisat aamma atisanut atortut nuersakkanik sanaajusut	4.147.707			
	Reaktorit atomitortut, uunnaaviit; maskiinat aamma atortut innaallagiamootut kiisalu sakkut maskiinallit; taakkununga atortut	1.469.169			
	Assiliilluni immiussissutit, assiliinermet filmiornermullu atortut; uuttortaait, aqutsissutit aamma eqqoqqissaarinissamut atortut; nakorsaanermut pilaanermullu atortut; taakkua ilai atortuulu	1.263.407			

	Qamutit (qimuttuitsut aamma qamutit illinersiortut pinnagit) kiisalu taakkununnga atortut aamma atortui	1.178.515			
Canada Ataatsimut katillugit		59.987.037			16.000.000
Danmark	Reaktorit atomitortut, uunnaaviit; maskiinat aamma atortut innaallagiamootut kiisalu sakkut maskiinallit; taakkununnga atortut	328.079.282		Aalisakkat, Uumasut qaleruallit, uumasut qituttut aamma imaani uumasut qimerloqanngitsut allat	1.572.565.907
	Maskiinat aamma atortut innaallagiamootut, atortussat innaallagiamootut kiisalu taakkua atortui; nipinut immiussissutit aamma nipinik aallakaatitsissutit kiisalu assilissanik nipinillu immiussissutit aamma fjernsynimut assilissanik nipinillu aallakaatitsissutit kiisalu taakkua ilai atortuulu	226.072.646		Nioqqutissat neqinik, aalisakkanik, uumasunik qalerualinnik, uumasunik qituttunik imaluunniit imaani uumasunik qimerloqanngitsunik sanaajusut	761.736.797
	Pequtit, siniffiup naqqi, madrassit, qipiit, akisit assigisaallu; qulliit aamma qaammaqputit, allani akiusuni ilaanngitsut; allagartat qaammartartut, atinut allagartat qaamanillit assigisaallu; illuliassat ikkussoriaannaat	126.156.262		Nioqqutissat erseqqissaatitaqanngitsut	135.884.135
	Saviminermik aamma sisammik nioqqutissiat	122.755.635		Ammit meqqullit aamma ammit meqqullit uumasuneersuunngitsut kiisalu nioqqutissat taakkununnga sanaajusut	7.489.720
	Nioqqutissat erseqqissaatitaqanngitsut	120.593.611		Reaktorit atomitortut, uunnaaviit; maskiinat aamma atortut innaallagiamootut kiisalu sakkut maskiinallit; taakkununnga atortut	6.501.644
Danmark Ataatsimut katillugit		2.960.569.521			2.508.175.535

Europap sinnera	Ikummatissat aatsitassaneersut, motorinut uuliassat aamma taakkunanga aallartitsilluni tunisassiat; akuutissat betonimeersut; voksi atortussiaq	1.226.231.047		Aalisakkat, Uumasut qaleruallit, uumasut qituttut aamma imaani uumasut qimerloqanngitsut allat	165.711.415
	Reaktorit atomitortut, uunnaaviit; maskiinat aamma atortut innaallagiamoortut kiisalu sakkut maskiinallit; taakkununga atortut	77.338.729		Sapanngat pinngortitameersut, sapanngat ikkussat, ujaqqat erlinnartut aamma ujaqqat pinnersaasiassat, saffiugassat erlinnartut, saffiugassat erlinnartut assingi kiisalu nioqqutissat taakkunanga atortussaneersut; pinnersaasiat qillalaartunik erlinnartuunngitsunik sanaajusut; aningaasat	71.214.506
	Timmisartut aamma silaannarsualiartaatit kiisalu taakkununga atortut	38.619.052		Ammit meqqullit aamma ammit meqqullit uumasuneersuunngitsut kiisalu nioqqutissat taakkunanga sanaajusut	23.101
	Tupa aamma tupamut taarsiisussat sanaajusut	33.019.878			
	Maskiinat aamma atortut innaallagiamoortut, atortussat innaallagiamoortut kiisalu taakkua atortui; nipinut immiussissutit aamma nipinik aallakaatitsissutit kiisalu assilissanik nipinillu immiussisutit aamma fjernsynimut assilissanik nipinillu aallakaatitsissutit kiisalu taakkua ilai atortuulu	22.017.328			
Europap sinnera Ataatsimut katillugit		1.660.407.103			236.949.022
Ruslandimi Naalagaaffeqatigiit	Aalisakkat, Uumasut qaleruallit, uumasut qituttut aamma imaani uumasut qimerloqanngitsut allat	443.186			
	Inuussutissanik suliffissuarnit tunisassiat assigiinngitsut	70.818			

USA	Ataatsimut katillugit		67.118.188		
Japan	Qamutit (qimuttuitsut aamma qamutit illernersiutillit pinnagit) kiisalu taakkununga atortut aamma atortui		13.680.243		
	Reaktorit atomitortut, uunnaaviit; maskiinat aamma atortut innaallagiamoortut kiisalu sakkut maskiinallit; taakkununga atortut		12.568.104		
	Maskiinat aamma atortut innaallagiamoortut, atortussat innaallagiamoortut kiisalu taakkua atortui; nipinut immiussissutit aamma nipinik aallakaatitsissutit kiisalu assilissanik nipinillu immiussissutit aamma fjernsynimut assilissanik nipinillu aallakaatitsissutit kiisalu taakkua ilai atortuulu		3.948.348		
	Assiliilluni immiussissutit, assiliinermut filmiliornermullu atortut; uuttortaait, aqutsissutit aamma eqqqqissaarinissamut atortut; nakorsaanermut pilaanermullu atortut; taakkua ilai atortuulu		958.583		
	Igalaamernit aamma nioqqutissat igalaaminernit sanaajusut		654.896		
Japan	Ataatsimut katillugit		33.184.658		
Asiap sinnera	Maskiinat aamma atortut innaallagiamoortut, atortussat innaallagiamoortut kiisalu taakkua atortui; nipinut immiussissutit aamma nipinik aallakaatitsissutit kiisalu assilissanik nipinillu immiussissutit aamma fjernsynimut assilissanik nipinillu aallakaatitsissutit kiisalu taakkua ilai atortuulu		31.894.147		

	Atisat aamma atisanut atortut; nioqqutissat nuersakkanik sanaajusut ilaanatik	29.318.402			
	Atisat aamma atisanut atortut nuersakkanik sanaajusut	20.189.278			
	Reaktorit atomitortut, uunnaaviit; maskiinat aamma atortut innaallagiamoortut kiisalu sakkut maskiinallit; taakkununga atortut	16.784.521			
	Sannatit, sakkut, saviit, alussaatiit aamma ajassaatiit kiisalu taakkua atortui saviminernik erlinnartuunngitsunik sanaajusut	16.033.331			
Asiap sinnera Ataatsimut katillugit		181.307.585			